

سکریا شاہ
۱۳۰۳

اجتماعیانه صحبت مطلقه می ؟

کچنلرده بعض غزته لره استانبولده کی دانش سالونلرینک قاپاناجندن یابانجی ارککلرله اوللره ورانده و محللرینه کان تورک قادیلرینک قبول اولونماسی حقتده ضابطه طرفندن تبلیغاتده بولونولدیغندن بحث ایتمشلردی . بعض غزته لرده حریتی تقیید ایدر ، دییه بونلره اعتراض ایتمشدی . اخیراً والی وکیل حسنی بك صوک تلغراف غزته سنه و قوع بولان بیاناننده دانش محللرینک تورک خانلرینه ممنوع اولدینی طوغرو اولمادیغنی ، اساساً خریستیان قادیلرینه مساعده ایدیلوب ده تورک قادیلرینه مساعده ایدیللمک کبی تفریق معامله سی یاییلمادیغنی ، انجق بعض وقایع ضابطه نك ظه ورینه سبیت ویره نلرک منع ایدیلدیکنی ، ضابطه مأمورلرینک او باصدقلری طوغرو اولمادیغنی ، ضابطه نك راندوو محللرینی تحری و ترصدی اوراده کی کزلی فاحشه لری صرف امراض زهرویه نقطه نظرندن معاینه سوق ایچون اولدیغنی ، هر هانکی برتورک خاننک اوللره قبول ایدیللمه سی حقتده امر ویریلدیکنی سولشدر .

مفتی لک ابنلر تورک مباحثاری اولماز

(طنین) لک قاهره مخبر مخصوصی یازیور :

«قاهره ده بروقتندبری غازینو و قافه شانتان صاحبلی - که هپسینی روملر تشکیل ایدیور - استانبولده غلطه دن تدارک ایده بیلدکلی بعض روم وارمنی قارلرینه نادیده و حسییه خانم کبی تورک اسملری ویره رک و غزته لرده و سوقاقلرده بیوک اعلانلره مشهور تورک مغنیه لری خانلردن مرکب اینجه ساز دییه اعلان ایدره رک برچوق خلقی جلب ایتک و بو سایه ده خیلی منفعت تأمین ایللمک مودا اولمشدر .»
طنین مخبرینک ویردیکی بو معلومات جداً شایان تأثردر . فقط روم غازینو جیلرینک بوحرکننده شایان تأثر اولان جهت ، روم وارمنی قارلرینه تورک اسمی ویره رک اولنرک واسطه سیله قازانجیلرینی تأمینه چالیشمه لرندن فضلده ، بزم بویله لرینه اورنک تشکیل ایدره رک اولنری بویله بر طاقم جرأتلره سوق ایتمه مزدر . کندی مملکت مزده مسلمان خانلرینک یار و اغیاره قارشو مغنیه لک ایتمه سنی ، تیاترو صحنه لرینه چیقمه سنی قبول ایدرسه ک البته بر طاقم روم غازینو جیلری تدارک ایده بیله جکلری بر طاقم قارلره نادیده و حسییه اسملری ویره رک تورکلکی و مسلمانلانی تزییفه قالقارلر . بز بوکی منکراتک اوکنی آلاچق ، تورک لری هر کسی اکندیرمک ایچون واسطه اتخاذ اولونماسنه مساعده ایدر . بو صورتله قادیلرینک عفت و عصمتنی محافظه و وقایه ایدمک ایچون زمان بوکی اشرانک بو صورتله حرکت ایتمه لرینه امکان قالماز .

دانی ایجابات مدینه ده ایسه

کچنلرده استانبولی سفاهت شهری یاپه جغنی سوبله یین شهرامینی بو هفته ده دانسک ایجابات مدینه دن اولدیغنی سوبله مشدر . دیمک که مسلمان

خانلری دانس سالونلرینه دوام ایده بیله جکلر . دانس که هر هانکی بر قادیلرینک محرم ، نامحرم هر هانکی بر ارککلر کوکس کوکسه یاپیشه رق علی ملا الناس رقص ایتسیدر ، مسلمان فادینی مسلمان قالدیجه بو فضیحه یی ناصیل ارتکاب ایدر ؟

ملتزمک تمایلاتی ، شعائر ملیه و دینییه سنی ، عصمت و عفتنی بیلیمین یوقدر ظن ایدرز . بوکا رغماً ، اولیای امور اوله جق ذوات طرفندن بوقیل منکراتک ترویجی متضمن بیانانده بولونولسی شایان تأسفر .

سبیل الرشاد همبرده امه و میهن

کچن سنه دارالحلافه لرک و بوتون مدرسه لرک معارفه دوری انشاسنده خارج اوچنچ صنف طلبه سی میاننده بولنیوردم . درسلیزمه کمال خواهشله چالیشدیغمز بر صیره دم قلمز خنجرله ندی : « تیره مدرسه سی ، امام و خطیب مکتبنه قلب ایدیلدی ، درحال امتحانلرک اجرایی دیندی . ناقص قالان درسلیزمدن مأیوسانه امتحان ویردک . ریاضیات درسنده قائم مقام بك تشریف ایتمشلردی . مومی الیه ، مدرسین و معلمینی تبریک دناصکره . مدرسه نك بوکونکی شکلی و طلبه سی ، لیسه لره قات قات فائقدر . نه یازیق که قبادیلور ، بویورمشلردی . امتحانلری متعاقب تام بش آی امام و خطیب مکتبنک کشادینه انتظار ایتدک . نهایت طلبه ، مدرسینه رجا واسترحام ایدره رک مکتبنک رسماً کشادینه قدر - چونکه بوتون مکاتب تالیه آچلمشدی - خصوصی اوله رق تدرسه باشلادق .

فقط هیسات ، بیوده انتظار . نافله غیرت ... هنوز بر هفته اولمامشدی که ایکنجی بر ضربه دها اورولدی : « تیره ، اوده مش امام و خطیب مکتبلرینک سبدی ، امری کادی .

هان اوکون مدرسه سد ایدیلدی واللی بی متجاوز طلبه حزین کوز یاشلریله - همده بك حزین - سوقاغه آیلدی . آرتق تیره کبی مقر علما اولان بر بلده مدرسه سز براقلمشدی .

شمدی نه یاپلم ؟ حیاتدن ، حیات عام و صرفادن اسقاط ایدلدک . مکاتب سائریه کیتمک ایسته ییلردن بعضیلرینک سنلری مساعده اولمادینی بیسان ایدیلور . طبیی برچوغنکده اجرت ویرمکه اقتدار یوق . از میر امام و خطیب مکتبنه کیتمک ایسه بزم ایچون ممنعدر . تیره کبی بیتوته مدار اوله جق مدرسه لر اولمادینی کبی ، اعاشه مزک تأمینده امکانسردر . طلبه علومه وقف اولونان پاره لرده بزه ویریله یور .

ایشته آجیقلی و حزین وضعیتمز . . . بزم بو حال پریشانزه آجیامق ایچون دمیردن بر قلبه مالک ارمق لازم دگلی ؟ ... ایکی اوچ طلبه سی اولان امام خطیب مکتبنکده ادرنه امام و خطیب مکتبنک قاقبت خجعه سنه اوضرایه جنی بدیهیدر . هان حالمزه الله آجیسون .

تیره :

علی علوی